

72561

商水縣志

卷之九

示記六說

六則文諭

條例贈言

20150.167
34.1
第207



商水縣志卷之九

憲章志 示文 記 六說 六則 論 條例 贈言 公呈



天施地成上作下興一網不舉衆目乃領矣澗川土瘠民貧較梁之祥符宋之商邱茲則一荒村落耳吏此者直一老鄉長動見掣肘矧驛遞繁疲軍需供竭民駭鹿走澤集鴻哀若不犢掛青緗犴生綠草則君子小人咸化爲猿鶴蟲沙是以兩憲臺諄諄造命有斐君子終不可諉敬紀憲章棠陰峴石不可磨滅云

商水縣志 卷之九

河南督撫部院賈爲嚴查有司濫刑虐民以振法紀事照得律設大法首嚴枉縱失出則爲縱奸失入卽爲播虐斯讞獄者不可不詳且慎也本部院素軫兩河遺黎千苦百瘁以延此生躡每月初二十六日酌准一二狀詞內有承問審係

赦前者俱與批免不待言矣止擇

赦後情重者數起招送

刑部查覆銀解

戶部充餉至於一切薄怨微釁俱批原問衙門折責幾板以示小懲大戒之意年餘來未取犯人一片紙未提贖錢一毫銀此各屬所共知亦爾民所共信者

也乃聞此中有司間有不恤民瘼惟利是求濫准民詞甘悖律例借防備而罰硝罰磺假修葺而罰磚罰瓦罰灰木究竟實際無裨價折入已甚至將親友安置寺廟顛倒是非誘關說以分肥者窺犯人弱肉易啖加罪贖申本管以獻媚者種種害民不一而足殊不思三尺之法官民所當共守從前覆車相尋不知凡幾各官亦何苦以功名身家而嘗試

新法爲也除行司道查實揭報糾叅外合再出示曉諭爲此示仰撫屬一應兵民人等知悉各該地方官如有播虐害民如前項諸弊一有違犯許不時抱牌赴

商水縣志

卷之九

二

本部院衙門陳告以憑叅拿治罪決不輕縱須至告示者

河南督撫部院賈 謹

奏爲中州衝繁已極驛路更正宜早謹繪圖進

覽伏乞

敕部速議以蘇難支重困以免遲悞軍機事案照中州驛遞衝苦緣由 臣先據陞任驛傳道僉事郭四維詳稱河南驛遞向日雖曰繁難官民猶可支撐自從黃河決後東道水阻凡江浙等省一切差使舊由山東馳驅者近皆遠道河南且邇來湖南等處捷報屢傳軍

情孔棘一差動用馬百匹或數百匹卽至少亦不下數十匹是以河南旣苦本省差多又苦別省遺累官民之心力空竭目前之供應萬難本道再四籌維除酌增銀馬另詳呈請外察河水已歸故道東路已成坦途往來差使仍前遶道河南者總由奉差員役以東道久未經由遂不憚遠遶因循豫省之熟路耳本道若不據實請更將見夫日逃亡馬日倒斃中州驛站傾廢在矚睫間矣且勿論驛站一倒興復爲難萬一遲悞軍機干係匪小等因呈詳到臣臣以事關驛路通塞軍機遲速隨詳批該道確察向來某某省原

由河南行差某某省原由山東行差東路較西路所近果有幾許南北之差使分合各在某處某路直捷某路紆遠備細詳明開呈去後順治十五年十月初四日據驛傳道僉事程滂詳據開歸等府察報到道看得兩河驛遞疲困至今口極矣倒斃之報殆無虛日酌補之請交牘如雲本道每接申文痛心攢眉真有臥不安而食不甘者分路行差始救懸急今各府具詳繪圖前來如出一轍本道細加參酌大約山東驛路近而捷河南驛路遠而遠如自

京城南下從涿州分路一出新城雄縣河間景州入山

東境經高唐東平汶上齊州等處而入江南省之宿州以至江寧計程二千二百餘里爲直經卽各省舊日所行東路也自涿州分路一由保定真定順德彰德衛輝延津渡河而南經開歸永城而入江南之宿州以至江寧計程二千七百餘里爲遠道此卽各省近日所行西路也故諺語有弓絃弓背之喻謂山東路走弓絃直則近矣河南路走弓背迂則遠矣自河決以來奉差老隱受稽遲而不覺未暇論其遠近郵遞者困於支持而莫訴亦未暇論其勞逸因循日久兩承其弊困苦至今豈可不極而思返况今河口已

塞水歸故道山東一路久稱坦途伏冀分晰奏請嗣後凡遇差赴江南浙江福建江西廣東公幹與夫該省赴任齎奏解運及事竣回

京者卽於勘合火牌內實填由山東路行如赴湖廣廣西雲南貴州等公幹及該省事竣回

京齎奏解運等務勘合火牌內實填由河南路行若此則兩河赤子固共慶再生卽捧

節差使亦免棲遲長途矣在山東但還其所固有在河南

則去其所本無實屬兩便非係推諉蘇驛困而濟軍機豈目前之益已哉等因覆詳呈

臣臣

欲爲經久長

便之計遂不厭詳慎諮訪之圖因再批布政司照依發去圖式將東西兩路遠近實跡便否確情核明另圖妥詳速報等因批司於七月十一日據布政司左布政使管起鳳遵奉臣批覆察與該道相同繪圖呈送前來該臣看得中州之苦驛遞爲甚驛遞之苦近日爲尤甚何也在當年衢雖通乎數省差原分有兩路衝途官民尚苦莫支後因黃河衝決東道淹阻合天下差使率皆取道於豫而豫之夫馬是以屢倒屢逃豫之官役遂致累逃斃如郭店等驛驛丞張煜等其明驗也矧今湖南捷報頻傳差使如織

王師南下軍機刻不容緩驛路衝繁更有倍蓰昔日者臣前在彰德供兵親見大路兩傍倒斃馬騾不可勝數甚有驛馬不敷累及民馬所夫不足累及農夫禁之勢有不能行之民不堪命臣若及今不言將來馬必盡倒夫必盡逃逮軍機一悞言已無及卽將官役盡法嚴懲於事奚濟今欲蘇驛困而濟軍機惟有更正驛路照舊行差之一著耳且山東之路近而直河南之路紆而遠况黃河已歸故道東路依然坦途如湖廣雲貴等省路原經河南者勘合火牌內註由河南如江南閩粵等省路原經山東者勘合火牌內註由

山東分行則衆擎易舉偏苦則獨力難支總是

皇上之地方總是

皇上之赤子一照舊而疲驛有興起之色軍機無遲悞之患矣臣亦知久息之肩一旦而復始仍舊東路官役諒所弗悅但臣惟知爲地方計長便爲軍機計直捷誠迫於勢之萬不得已又何暇更爲瞻顧也臣謹將驛路繪圖會同鄖陽撫臣張按臣李合詞具疏恭進

御覽伏乞

敕下該部速議上

商水縣志

卷之九

六

請行臣等遵奉施行因敘詳由字稍逾格併乞

睿鑒謹具奏

聞伏候

敕旨順治十五年七月十七日奏八月初九日奉

旨兵部確議速奏驛圖併發

兵部題爲中州衝繁已極驛路更正宜蚤謹繪圖進覽伏乞

敕部速議以蘇難支重困以免遲悞軍機事該臣等看得

河南巡撫賈

疏稱中州衢通數省差分兩路後因

黃河衝決東道淹阻天下差使率皆取道於豫今湖

南捷報頻傳差使如織

王師南下軍機刻不容緩驛路衝繁更倍昔日驛馬不敷累及民馬所夫不足累及農夫將來馬必盡倒夫必盡逃貽悞軍機今欲蘇驛困惟更正驛路照舊行差且山東路近而直河南路紆而遠黃河已歸故道東路依然坦途如湖廣雲貴等省路原經河南者勘合火牌內註由河南如江南閩粵等省路原經山東者勘合火牌內註由山東等因併繪圖前來察河南天下之中輪蹄絡繹衝繁爲最又兼湖南等處捷報如織向有東西二路分道而馳相沿已久近因河南河

商水縣志

卷之九

七

決黃河由山東入海爲水阻隔一切差使遶道河南以致驛站倒廢官民俱困今河水旣歸故道東路無阻相應如豫撫所請凡遇差赴江南浙江福建江西廣東公幹與該省齎奏解運及事竣回京由東路直捷者卽於勘合火牌內填由山東路行如赴湖廣廣西雲南貴州等省公幹及該省齎奏解運與事竣回京等務由西路直捷者卽於勘合火牌內填由河南路行以均勞逸永爲遵守請

敕下

臣部遵照轉行各該督撫按遵行可也等因順治十五年八月二十二日題本月二十三日奉

旨依議

河南督撫部院賈 爲中州衝繁已極驛路更正宜
蚤謹繪圖進

覽伏乞

敕部速議以蘇難支重困以免遲悞軍機事順治十五年

九月二十五日准

兵部咨車駕清吏司案呈奉本部送

兵科抄出該本部覆河南巡撫賈 奏前事等因順
治十五年七月二十一日奏八月初八日奉

旨兵部確議速奏驛圖併發欽此欽遵抄出到部批司查

商水縣志

卷之九

八

議隨經司議呈堂該 臣等看得河南南撫臣賈 疏稱
中州衢通數省差分兩路後因黃河衝決東道淹阻
天下差使率皆取道於豫今湖南捷報頻傳差使如
織

王師南下軍機刻不容緩驛路衝繁更倍昔日驛馬不敷
累及民馬所夫不足累及農夫將來馬必盡倒夫必
盡逃貽悞軍機今欲蘇驛困惟更正驛路照舊行差
且山東路近而直河南路紆而遠黃河已歸故道東
路依然坦途如湖廣雲貴等省路原經河南者勘合
火牌內註由河南如江南閩粵等省路原經山東者

勘合火牌內註由山東等因併繪圖前來查河南天下之中輪蹄絡繹衝繁爲最又兼湖南等處捷報如織向有東西二路分道而馳相沿已久近因河南河決黃河由山東入海爲水阻隔一切差使遠道河南以致驛站倒廢官民俱困今河水旣歸故道東路無阻相應如豫撫所請凡遇差赴江南浙江福建江西廣東公幹與該省齎奏解運及事竣回京由東路直捷者卽於勘合火牌內填由山東路行如赴湖廣廣西雲南貴州等省公幹及該省事竣回京齎奏解運等務由西路直捷者卽於勘合火牌內填由河南路

商水縣志

卷之九

九

行以均勞逸永爲遵守請

教下 臣部遵照轉行各該督撫按遵行可也等因順治十五年八月二十二日題本月二十三日奉

旨依議欽此欽遵抄出到部奉批司行送司奉此相應通行案呈到部擬合就行爲此合咨貴部院煩爲查照本部覆奉

旨內事理欽遵施行等因到部院准此擬合就行爲此示仰撫屬州縣驛遞等衙門知悉示後凡一應奉差員役務要查明火牌勘合內填註經由路程如註明應由河南者卽便應付不許遲悞倘火牌勘合內註由

別省而遠道河南者不許應付仍指名據實申報本部院以憑題參治罪若該地方官徇情應付查出
一併糾叅各宜恪遵慎勿故犯致干

功令未便須至告示者

議免襄邑養馬示

河南督撫部院費為襄邑地衝民貧駐飼恐滋苦累謹商議暫免以蘇殘黎事案查前准

戶部咨文

欽命安南將軍明統兵南征擬在彰德養馬四十日襄

城養馬二十日所有應用糧草及槽鋤鍋桶等項本

商水縣志

卷之九

十

部院隨牌行布政司併各道府州縣照數備辦去後
今

安南將軍明於正月十五日已抵彰德本部院因供

應之役兼程赴彰見彰民備辦之苦輓運之艱因思

彰屬地方未經殘破物力稍可支持其於一應軍需

尚且如此艱難况開屬各州縣率皆瓦礫殘區民悉

患難餘生年來歲序雖稔諸物未備糧料草束或可

勉強措處鍋桶槽鋤勢必無處購求且三月正春耕

之時二麥猶一年之計東作若失西成無望本部院

言念及此真有寢處靡寧飲食俱廢者因與

安南將軍及各

固山大人再四講說反復諄懇不啻舌弊唇破今
安南將軍與各

固山大人輾轉商酌已從本部院所議免在襄城養
馬不惟襄邑官民一方之幸誠亦開封各屬之福也
此本部院恤民至意

將軍明體

國公心其中原無所圖亦毫無所費誠恐奸刁里役乘
機科斂或不肖有司借端私派是本以爲民而反致
厲民矣合行出示曉諭爲此示仰所屬軍民人等知

商水縣志

卷之九

十一

悉示後如有州縣官員及里甲人等指稱打點科派
需索者爾百姓卽赴本部院據實陳告以憑叅拿重
究處慎勿顧忌隱忍有負本部院爲爾百姓之實心
也須至告示者

嚴查錢糧派徵互異情由示

巡撫河南部院賈 爲曉諭嚴查錢糧派徵互異情
由以更從前之訛以除向後之累事照得錢糧關係
軍

國重務少派則虧

過多派則病民原不容一毫增亦不容一毫減者也故

前奉

定悉照萬歷年間等則派徵刊刻賦役除荒徵熟永爲遵守

朝廷之加惠元元何其周且詳也倘奉行者上體

國謀下念民瘼當順治十二年刊造賦役之時若俱照萬歷年間則例銀數磨對清楚勒之版圖頒以由單何至於虧

國又何至於累民今本部院接准

部咨行查多派少派緣由及將各屬派徵文冊與賦役全書逐一查對其各州縣每畝徵銀數目有比賦商水縣志

卷之九

士

役多者有比賦役少者咸與萬歷年間等則不符至於少派者虧

國不待言矣其多派者每畝有多幾毫者有多幾釐幾分者甚有多至一錢有如河南府新安縣上地每畝徵銀六錢零宜陽縣上地徵熟則例每畝比舊則多至一錢零若以地復原額計之多徵銀數每州縣不下盈千纍萬病民之大莫逾於此况豫省羣黎自經凋殘之後寥寥子遺皆是患難餘生照額派徵尚苦無措此額外包荒其何以堪本部院閱冊至此不禁髮豎皆因順治十二年始造賦役各官全不詳慎之

故耳以致賦役舛錯貽千百年之巨害俾窮民剝肉
包荒啞苦莫訴何日是其底止也故諺有云糧爲萬
年賦其斯之謂歟本部院撫豫以來何利不爲民興
何害不爲民除似此多派厲民之事知之旣切察之
旣真斷不肯任聽前官之悞貽殘黎無窮之累矣除
牌行布政司查省屬地方遵照萬歷年間則例派徵
者係某某州縣比照賦役包荒多派者係某某州縣
比照賦役少派者係某某州縣其多派者何故多派
少派者何故少派再一合盤打算多派州縣除荒熟
額銀之外共計額外多出銀若干少派州縣合荒熟
商水縣志

卷之九

三

額銀之數共計額內尚少銀若干逐一查明何作更
正造冊具詳速報去後第此多派少派之數雖係從
前司府州縣錯悞其中少派者僅止毫釐之謬爲數
無幾而多派者竟至每畝幾分幾錢爲害最鉅俟藩
司查明冊詳到日咨

部具題外但事關百姓永害本部院不避嫌怨期
於力除以甦民累合行出示曉諭爲此示仰撫屬官
民人等一體通知亦見本部院惓惓爲民至意也須
至告示者

嚴查有司清地滋擾示

巡撫河南部院賈 爲嚴查有司清地滋擾以安民生事照得兩河百姓年來疲於治河疲於供兵歲無虛日已苦不堪矣凡官斯土者自宜遇事寬民力隨時節民財加意休養始盡厥職故本部院下車以來禁火耗恤商賈懲墨吏剔蠹弊汰冗役革官價法令頻頒不啻潁禿再如驛遞苦累本部院素所軫恤今不避嫌怨爲民請

命奉有

俞旨東西分路行差從此爾民可省無窮賠費免許多筮楚諄諄此念誠不欲留百姓分毫之憂貽地方分毫

商水縣志

卷之九

十四

之弊量爾士民所共知而共信者邇來查地一事止緣奉

旨差御史前來清丈勿論供億之艱夫馬之需勞費莫支但思查出地畝卽以欺隱坐罪法綦嚴矣因不憚反覆告誡令民自首各得保業全身此段恤民熱腸雖已揭示通屬仍恐耳目猶有未到者如里長指查地而科歛打點里書戶書借造冊而設計詐騙甚至不肖有司不恤民瘼或以下地而捏報上中或恃刑威而勒民懸報或不遵等則而憑臆妄裁有一於此卽爲民害合行出示嚴查爲此示仰撫屬紳衿里民人

等知悉今次清出地畝內有白首者亦有勸墾者本部院已據藩司造報凡自首者勿論久遠勿論數多俱於當年起科以前未納錢糧槩免追究凡勸墾者照例三年起科俱經疏內 題明此外毫無貽累於民若有不肖州縣官與里書戶書里長人等有犯前項諸弊許被害士民不時赴本部院衙門擊鼓陳告審明定行從重叅處其訛報地畝等則卽與改正爾民從此清地之後種一畝地輸一畝糧人自不得挾騙官亦無從苛求隱憂旣去夢魂亦安卽偶有些須差徭本部院又已遵奉

商水縣志

卷之九

五

明旨出示凡種地土人等一體當差以均勞逸爾百姓凡有疾痛難堪之事俱向本部院據實陳告害旣與除利卽與興各宜安心樂業勿輕聽疑畏有負本部院倦倦爲民至意須至告示者

酌議從公僉派河夫示

巡撫河南部院賈 爲酌議從公僉派河夫以均勞逸事照得歲修河工惟夫是賴終年胼胝惟夫最苦臨河各縣日望協濟遠河州邑日惟奔馳如此勞民之事州縣猶不經手寓目往往責之房書里書僉派令此輩視爲奇貨高下其手多寡任意僉派已不公

矣及至工所若先與之食而後責其力則在上者儻
督較易在下者亦勞而無言每聞工完已久方行發
銀一任吏胥中飽百姓多有未見分文者積弊相沿
已非一日豈容因循以重民困合行酌議爲此牌仰
管河道官吏以後凡遇河工須要計工大小酌派夫
役其出夫州縣大約以幾頃地出夫一名必先儘有
工之縣打算地畝若干可出夫若干數或不足方派
協於本府所屬州縣再如工大仍不敷用然後議協
於外郡其派夫州縣必須自行按地分派一面出示
細開用夫若干通計一州縣熟地若干計地幾頃派

夫一名使百姓曉然通知一面造冊明開數目申報
院道查核該道核明卽酌量時日久暫按夫先發工
食待各州縣夫役上工之時乘便詰察原發銀若干
會否全領卽可得其有無侵沒之情至於派車運柳
買椿買麻俱有應發工價一倣此例先發銀兩然後
查訪其於民困或可望其少蘇文到再一從長酌議
仍查舊日題定事例參酌妥當方克有濟然此不
過約畧行查於河務未盡稱便或仍有良法善策稍
舒民力深禱河務該道不妨指出另議務期急公便
民爲主妥詳呈報以憑覆核施行須至牌者

嚴查漕弊示

巡撫河南部院賈

爲嚴查漕弊以蘇民困事照得

從來漕政弊非一端本部院在部時每由邸抄中見各省章奏糾彈累累今奉

命撫綏豫中凡地方諸務當從新振刷且值漕糶交兌之

際政宜釐奸剔弊之時如漕糧每石舊有定價今歲米賤儘足費用其中有司或徵銀在官借言抵作運費而又重派小民起運本色或有已派本色而仍額外另徵幫價惟知豁壑之是盈罔顧民困之當恤此州縣派徵之弊也如輓運則零星小戶不得不托里

商水縣志

卷之九

七

長總納而里長之中豈無指路費而多索者甚至豪強包攬欺壓良懦任意強索致弱民飲恨吞聲而莫何此里長多索豪強包攬之弊也至於赴灘交兌如經收者通判縣丞一應官役或指察糧或指收受需常例索使費支供應用打點無所不至矣否則淋尖踢斛百法措勒干般留滯甚有多收於此而明計附餘之徧私折於彼藉合抵算之數於民則瘠於官則肥此經收官役加打需索之弊也如推官職司監兌當執法如山秉心若水有弊卽除聞奸卽剪務在留心諮訪加意嚴詢恐有賄賂公行上下通同執法紀

而徇情面投鼠忌器已行不正焉能正人有負任使
此監兌官賄託徇隱之弊也如該道爲糧儲督理掣
綱提領期在交兌依限全完開幫如期押運早竣者
有陞級之典遲緩者有罰治之例所當奉行惟謹其
間一切弊竇當與推官逐一清釐詳悉開報以期弊
絕風清方見明敏長才此乃該道之責任也本部院
蒞任之始首嚴漕弊合行確查爲此牌仰督糧道官
吏卽照牌內事理在灘官役人等責成推官嚴查作
弊事端其經徽州縣責成府官密訪橫徵情弊如查
訪有據官卽開揭馳報以憑從重糾叅役卽拿究呈
商水縣志

卷之九

六

解以憑盡法擬處該道仍不時廉訪倘有府推各官
徇隱不報該道卽據實開揭同各官職名及徇隱情
弊併報叅處如該道知而不言別有訪開本部院所
持者

朝廷法斷不敢爲該道寬也各宜慎之俱勿瞻徇若
泛常須至牌者

勸墾示

巡按河南監察御史李 爲勸開墾以佐

國計信寬恤以鼓民心事照得中州素稱沃壤自遭蹂
躪之後戶口半屬逃亡膏腴槩多荒蕪所藉以招徠

安集庶之富之者首於開墾是務取天地自然之利收公私交濟之需民何樂而不爲其何以勸之頻而應之鮮也夫亦良有故焉一苦於差徭之偏重二苦於雜派之多端三苦於有司不遵三年起科之例本院深知積弊曲體民情業已另示申嚴如差徭則必令照地均派不得遺勢力而獨累小民如雜派則盡行釐而不許越由單而加徵額外如起科則遵

旨以三年爲率如此其庶幾樂於趨事乎然又恐故轍相循有司未必力行改絃伊始小民未必遽信合行曉諭爲此示仰按屬士民人等知悉凡有情願開墾者

商水縣志

卷之九

九

聽其隨便擇地徑赴本院告明本院親給照註定三年起科免其一應雜辦有能開墾數多者卽以特疏具題照例議敘若該有司及經承衙役里書仍於三年之內私徵額課並濫派雜差者許本戶赴院陳告定以悖

旨從重叅處本院爲爾百姓身家計爾百姓亦當自爲身家久遠之計趁此春融勿悞農時勿負本院諄諄勸諭之意須至告示者

再申勸墾示

巡按河南監察御史李 爲再申勸墾之令以導復

業之心事照得小民以農事爲本方且用價買田欲爲子孫長守而中州之有地莫耕甚至棄土私逃者其何以故良由差徭之雜沓暨賦役之不均或緣胥役之欺凌及豪勢之侵奪若夫徵收有加一加二之火耗有司視爲常例民力幾何堪此逼削在地方官不爲小民作主則小民何所恃以自存故本院於禁飭私派勸諭開墾不啻諄諄告誡昨據陳州鄉民陳才宋文芳等赴投墾荒認收本院心切喜之隨各給印照外從此相繼歸集漸次擴充又何患草萊之不闢而富庶之無期也合再曉諭爲此示仰各處小民

知悉見在者安心樂業遷避者各速回家隨便擇地而墾多寡量力而認願墾者開具姓名地址頃畝認收一樣二張一投該管州縣一投本院卽給本院印照付本戶收執定以三年成熟後起科不許有司濫派雜差不許衙役里書借端欺擾其原有應納錢糧亦不許多收耗羨違者卽赴本院陳告以憑叅拿重處如從前有懸坐之地包賠之糧趁此清丈之際卽赴院報名以便會同題豁恒產恒心惟爾民計之慎勿觀望致負本院爲爾民一片苦心也須至告示者

嚴飭偏苦差徭以甦民命示

巡按河南監察御史李

爲嚴飭偏苦之差徭亟甦

久困之民命事照得貢賦力役庶民之常職稽古之常制也夫何至於今而民之稱苦若是也又何以豫民之稱苦若是其甚也其故則在差徭之不均而不均之弊有四曰寄莊曰飛灑曰冒免曰乾租是也凡紳衿衙役之豪有力者每以輕價而廣置鄰邑之膏腴籍口於本縣當差一身難兼二役而致一切差徭獨累之小民是有力者坐享其利無力者代役於人此之謂寄莊其弊一也又奸民承種土地數多自知

商水縣志

卷之九

三

差徭難免遂賄買里書假捏鬼名零星灑派以成頃之地而分畝其數以一人之業而什伯其名致地多者避身於逸地少者獨任其勞此之謂飛灑其弊一也又有無耻學霸家無寸土攬他人之糧石而掛爲已有冒名影射公然免差而差悉委之小民民何不苦此之謂冒免其弊三也又紳衿勢豪以暨各衙門官承胥役或奸民有投獻之田或愚民有寄戶之地抗賦抗差歲有常例坐擁無差之地白取無地之租此之謂乾租其弊四也夫地卽此地也民卽此民也必期苦樂均平可使衆擎易舉若避之者多則當差

者少漸而避差愈多則當差愈少而愈苦矣弊之不
清全在官之不察有司專理民事豈皆聾聵無聞總
之因循錮習槩多傳舍爲心果能治

國如家實心任事何難比對赤壁由單一洗從前積弊
大都利慾薰心未免受人牽制果能潔已奉公持平
執法自可攝服豪強又何豪強之能制我乎烏知哺
雛牛知舐犢爲民父母而不知愛護其子民抑禽獸
之不如矣民生日蹙長此安窮合行嚴飭爲此示仰
各該有司知悉嗣後各將所隸地土從頭清察秉公
釐剔凡遇差徭勿論紳衿官役務照地均派不許獨

商水縣志

卷之九

三

累小民如有寄莊抗差者鄉紳則據實揭報以憑指
叅劣衿蠹役則拿解本院以憑法處如有飛灑地糧
者立拿里書解院定行處死如有冒免差徭及獵取
乾租者一併拿解從重追擬若有司瞻顧不言仍前
差派不公或任憑胥役作奸以致賣富差貧許小民
赴院陳告或本院體訪得實官叅吏處法無輕貸各
宜凜遵慎勿泛視須至告示者

飭給印照示

巡按河南監察御史李 示仰各屬小民知悉凡有
願開荒田赴本院討給印照俟三年成熟照例起科

不許濫派雜差永爲已業已經曉示矣復念爾等路遠又值農忙難以跋涉此後如討執照者寫明某係某縣人願開某處荒地若干頃畝許赴本州縣投遞該州縣具文彙報發給印照如印官稽遲留難定行糾叅不貸特示

知縣張德崇清丈地畝碑記

開封府陳州商水縣爲大造屆期丈田事竣懇乞聖明並重圖籍塞弊源以永治安事萬曆十年六月十七日承奉本州帖文承奉河南等處承宣布政使司劉副蒙欽差巡撫河南等處地方兼提督軍務管理

商水縣志

卷之九

三

河道都察院右僉都御史褚案驗准戶部咨河南清吏司案呈抄蒙本部案驗該本部題廣西清吏司案呈奉本部送戶科抄出南京戶科署管黃冊事給事中傳奏前事該本部覆議前事仰本縣官吏照依案劄帖文備奉欽依內事理卽行該縣除黃冊照本部頒行條格攢造外仍遵奉明旨將本境清丈過田糧刻石公堂壹面仍將存留冊分造都圖魚鱗細冊悉書管業辦糧姓名用印鈐蓋每里每甲各給一本再將見種地人戶各給與印信執照如戶帖之式備將田之頃畝分釐四至條段糧之升合微戶部咨河

南唐吏司案呈抄蒙本部案驗該本部等衙門會議將該省清丈過田土查補過浮糧共足國初原額米石數目緣由於萬曆八年九月十一日具題奉聖旨是今天下承平日久田糧多失舊規以致豪右隱占偏累小戶包賠這清丈事例應否通行各撫按官查覆還同吏部都察院詳議來說欽此本部尚書張會同吏部都察院詳議緣由於本年十一月初八日會題奉聖旨這清丈田糧事宜既會議停妥着各巡撫官悉心查覆着實奉行毋得苟且了事反致勞擾欽此欽遵等因抄案到司案呈到部咨送清丈田糧事

例書冊到院准此會同巡按河南監察御史許議照前事案行本司備劄到府帖仰本縣關行本縣知縣張德崇出示即將境內田畝遵照原行丈量一體欽遵等因奉此本縣卽於萬曆九年三月初五日開單編號六十有八扯立區頭二千五百有九連殘區一百六十并刷邊陳州塔兒灣上蔡崇律店西華之龍勝溝等處共丈出小弓地一萬二千九百五頃八十九畝九分六釐三毫除補足失額地三百一十七頃二十四畝七分六釐四毫之數多丈出小弓地三百六十七頃七十八畝七分六釐三毫舊額每小地一

頃折糧地六十六畝今每小地一頃折六十四畝一分一釐九毫一絲五忽八微共折徵糧地八千二百七十五頃一十五畝三分九釐二毫每畝徵糧一斗六勺九抄二撮四圭二粟四粒共徵糧八千八百四十八石一斗四升五合六勺三抄四圭卽今大造萬歷十年賦役黃冊卽照今次丈量田畝糧石造報無差是役也自本年三月首事至九月終丈量方完磨算至十二月造冊申送分守大梁道左叅政周處覆覈呈送本司轉呈兩院會奏尤恐不的十一年三月復行覈實其於地之分釐毫忽糧之升合勺撮無不

明安每戶各給戶由一張照依原額地數起科徵納又嚴令民間買賣地土不得私自過割以待審編之年方許開收責令里書細加磨算務使門總合戶總戶總合排總排總合里總里總合縣總則有推無收之弊無自而生雖百年之久可保無失額之患緣係大造屆期丈量事竣懇乞聖明並重圖籍塞弊源以永治安事理遵奉刻石以垂不朽以俟後之吏是土者高明君子焉謹將丈量過田糧總數並行過事宜開列於左

原額小地一萬二千五百三十八頃一十一畝二分
節年失額地三百一十七頃二十四畝七分六釐四
毫

今次支出實在地一萬二千九百五頃八十九畝九
分六釐三毫

仁一里原額小地一千二十七頃一十九畝二分九
釐七毫節年失額地二十四頃七十畝五分二釐
今次支出實在地一千六百一頃八十九畝八分
一釐七毫四絲五忽

仁二里原額小地一千一百七頃四十三畝二分節
商水縣志 卷之九 三

年失額地四十一頃五畝一分一釐今次支出實
在地一千一百五十五頃六十六畝二分四釐五
毫六忽

義一里原額小地一千三百九十八頃二十三畝二
分節年失額地一百七頃三十畝今次支出實在地
一千四百三頃二十一畝六釐九毫

義二里原額小地一千三百四十一頃一十五畝八
分四釐節年失額地十六頃四十九畝八分九釐
一毫今次支出實在地一千三百七十二頃六十

七釐二分五釐八毫

道一里原額小地一千一百七頃二十四畝二分節
年失額地四十四頃一十四畝八分四釐三毫今
次丈出實在地一千一百二十三頃九十五畝七
分六釐五忽

道二里原額小地一千五十九頃一十八畝七分八
釐節年失額地八頃一十五畝二分今次丈出實
在地一千一百二十五頃六十八畝一分六毫七
絲

德一里原額小地八百一十五頃二十二畝五釐節
年失額地三十四頃五畝一分今次丈出實在地

商水縣志

卷之九

七

八百四十六頃六十七畝七釐四毫六絲五忽
德二里原額小地九百一十五頃一十二畝六分節
年失額地八頃七十畝今次丈出實在地九百二
十四頃七十九畝六釐二毫二絲五忽

德三里原額小地一千四頃三十一畝五分二釐節
年失額地六頃一十畝今次丈出實在地一千二
十五頃五十三畝三分九釐二毫八絲九忽

在坊里原額小地八百九十一頃三十畝三分五釐
二毫節年失額地三頃二十畝今次丈出實在地
九百五頃七十六畝六分六釐六毫捌絲五忽

太寧里原額小地九百八十二頃九十五畝五分五釐節年失額地八頃三十五畝今次丈出實在地二十一十四頃九分七釐一毫四絲三忽

總順重原額小地八百八十八頃七十四畝六分一釐節年失額地十四頃九十九畝一分今次丈出實在地九百四十六頃三畝九分九釐九毫七絲四忽

刷邊地畝一十一頃 丈量區弓

一 項陳州地名塔兒灣仁一里趙希顏等共小地三十二頃八十六畝三分四釐二毫

商水縣志

卷之九

天

一 項陳州魚鱗臺德三里霍余等共小地三十七頃九十四畝七分四釐二毫

一 項陳州衛地名連塚集仁二里席廷珍等共小地十一頃四十七畝六分二釐一毫一絲

一 項陳州地名柳林大悲寺道一里王繼素等共小地二十九頃八十三畝二分七釐七毫五絲

一 項陳州地名周家口河北太寧里朱蘭等共小地五十八頃九十八畝八分四釐

一 項西華縣地名龍勝溝道一里段文魁等共小地一十二頃七十七畝一分九釐九毫五絲

一項西華縣地名趙家集河北仁二里劉子恕等共小地四頃一十二畝七分六釐六毫

一項上蔡縣地名崇律店東岍義一里王時化等共小地二十一頃六十九畝五分九釐三毫

一項上蔡縣地名古墻集德三里許社等共小地二十四頃四十二畝六分六釐八毫

一項鄆城縣地名宿寨義二里王時古等共小地九頃四十畝七分二釐七毫五絲

一項鄆城縣地名譚莊迤西道一里張第等共小地四十頃一十三畝八釐三毫

商水縣志

卷之九

元

丈量事宜一十一款

一正方位蓋清丈用畝必先正方位方位正然後區可立區立而丈量之法得以次第舉行本縣卽於城中尖處起立區坵率屬親詣所在行祭開縵其初用定南星以正南北之方位然後用繩以取其直用鈔尺杆以約其數每畝一里該三百六十步扯立一區內該地五頃四十畝卽於里盡處再立區坵從前再量從前再立自區南徹北各盡本境界限爲止其東西之區皆以中夾直線爲準橫順成行區如棋布畝如櫛比庶區有定數地有定

畝矣

一立邊界照得商水北至西華南至上蔡東至陳州
衛西至鄆城之宿寨必大界既正然後立區以別
之大界不正則彼此攬越互相隱射每欲清查不
服拘喚欲其丈量之卑職清不可得也具申本州
差常社巡檢司巡檢張子杲關行西華差省祭官
李奇選老人齊登選容天祐朱加客王學古陳州
衛差總旗王尚乾朱大用上蔡則未差員役止樹
牌檄本縣差省祭官董時中陰陽官王擯鄉民義
官李純等細加比對一一眼同各號區頭丈比不
爽則四境之大邊界正而境內之田有所憑以清

商水縣志

卷之九

三

查矣

一立區頭夫區頭之大約以南北爲經東西爲緯東
西橫排從東自天字地字元字黃字號起盡其西
界至河淡字號而止南北順數從北自天字一號
二號三號起盡其南界而止其地字元字黃字等
號做此每方一里立一區頭起封樹牌上書每字
號第幾區區頭每人編號六十八號每號選公直
者一人管一號之區頭每號扯立區頭不等共立
二千五百零九區殘區一百六十又選省祭官董
時中吏傅時禮爲總管本縣時常屏去輿從乘馬

攜纜沿坵履畝間一丈量散官許孟林區地少差
卽重治示懲餘不敢犯矣

一清丈田畝夫田畝不清蓋由豪強者隱占良懦者
包賠也本縣責令地多者爲區頭俱令各照原立
封植四至挨畝逐段比對丈踏每一區務足五頃
四十畝之數仍令各照印刷區票從公開寫一紙
上書某字號第幾區區頭某人戶頭某人下某人
係某里某甲人地若干畝某樣畛順長若干步橫
闊若干步共集若干步成地若干畝四至某人若
天字號該地不盡就將天字區外餘地開於地字

號內若有短少卽書差人區內復丈係何侵占問
罪改正各區頭將地戶區票彙齊送與本號鄉民
各鄉民彙齊送與各總管總管送縣清查

一丈餘田陳州地方柳林大悲寺連塚集西華魚鱗
臺龍勝溝鄆城宿寨上蔡崇律店等處舊有本縣
原額地畝年久侵占太多及塔兒灣尤自國初以
來不納差糧分毫

卑職

差遣里老李登魁高承樂

執帖亦照本縣境內扯立區頭彼各倚逞州衛軍
民不肯從公開報本縣親詣彼處爲之理勸動其
良心許其自新不咎既往今皆丈認約有百餘頃

至於塔兒灣則有地四十餘頃二百餘年纔丈出
本縣既許自新不責既往則豪右不得隱占矣
一令自首照得本縣原額小地共一萬二千五百十
八頃一十一畝二分因年久豪右隱占積書飛詭
中間世易人亡以致原額失落地三百一十七頃
二十四畝七分六釐四毫本縣出示曉諭除已往
不咎外許令自首所首田地仍令本主管業改正
各名下當差散官胥池並郭權等共首出地十六
頃一畝三分間有未首者今既挨段清丈共丈出
小弓地一萬二千九百五頃八十九畝九分六釐
得隱占而小民均蒙輕減矣

一開許告夫田糧失額許自首矣容有不肯自首及
舉首不盡者許諸人許告本縣門前懸設梭布數
十疋有許告者就令許告之人取布一疋執布進
許審實就將前布給賞仍將所詰之地給與許告
之人管業有史國賢許告史紀經隱地十二畝七
分袁尚許告董河地二畝七分給賞布疋管業本

地餘不敢隱矣

一立丈具復正大界以立四境之至立區頭以別條理之宜若不多備縹繩則臨時取用不足不免悞事卑職令十排各具丈杆二十根令行頭出繩十條共六十八號一號給丈杆二十根給繩十條杆頭定環頭頭相接令各號種地人戶不計畝之多寡而皆取足於縹繩今丈量將完即將丈杆給與十排繩索給與行頭不至費用矣

一慎委用蓋失額起於隱占隱占起於狡猾通同里書那移作弊非一日之故也若不擇用方正之人

商水縣志

卷之九

三

而假之里書則額地不得其實丈量未及而弊將百出矣本縣輻員六十餘里選擇殷實公直省祭官一人陰陽官一人鄉民六人爲總管又選鄉民時京等處六十八人爲分管又於各號選地畝多者二千五百九人爲區頭區頭清區地分管督區頭總管總領乎分管全不用里書排甲以干預於其中而飛詭之弊無自而生矣

一造區册蓋區册必須開造造册必用紙張理也用里排買紙則必歛及戶人用區頭買紙則必科及地戶指一而科十非節省之道也卑職預先着令

鋪行置買合文紙張每紙百張值錢二百文每紙一張裁成四葉止令地戶出錢二文買紙每葉印刷刊刻空格止令地戶填寫地畝四至數目磨對無差卽將天地元黃等字號內之地歸於本縣仁一十一十二里之中不用買紙造冊夫不必買紙則里甲無科歛之奸不用造冊則書手無詭隱之弊又令各地戶照依區票再買一張以爲執照庶書手不得飛灑日後買賣地土則當官執票過割卽照數開總而亦免有推無收之弊矣

一議工食夫清丈田畝自三月初首事至九月初凡

商水縣志

卷之九

善

應用員役日履田畝日用飲食不能免也本縣爲之理勸各員役曰清丈田畝乃大家事而工食之費可出自里甲乎可歛及地戶乎着令人人自備或彼此相代歸家飲食外有申請本州及關過陳州衛西華刷邊員役卑職爲之設處鄉民中有好義者亦量爲之管待雖印刷區票匠役亦設處以飯食不動里甲地戶分文而事亦就續矣

知縣吳道觀鄉約六說

聖諭有曰孝順父母

如何是孝順父母人生世間不論貴賤貧富這個身

俱是父母生的懷胎十月乳哺三年未病憂兒病偶
有些疾病恨不得將身替代未會喫飯先慮兒饑未
曾穿衣先慮兒寒千辛萬苦養汝成人這恩如何報
答得所以詩經上說撫我育我顧我復我欲報深恩
昊天罔極迄至成人父母年老該汝供養汝或聽妻
子之言而薄父母或有任愚蠢之性言語抵觸父母
或有不務生理自己衣食不敷因而凍餓父母或有
不知王法自蹈犯罪之事拖累父母種種行徑都是
不孝順父母了本縣勸爾百姓各守本等職事安分
守已行事誠實勿干法網所以安父母之心時勤時
儉早晚供養勿令溫飽有缺有病就請醫調治所以
安父母之身你今不孝順就是個現在的樣子你的
兒子自然照樣不孝你古詩云孝順還生孝順子忤
逆定養忤逆兒這個報應昭昭不爽你試看天下不
孝順父母的那得昌盛故

聖諭首揭云要孝順父母

聖諭有曰尊敬長上

如何是尊敬長上許大世界許多人民都是三個名
分管定的一個禮義約束的就是這個尊敬長上四
字莫忽畧看了這個長上不止一端如伯叔祖父母

伯叔父母並手足兄弟之類是本族的長上外祖父
母姑父母舅母姨之類是外親的長上鄉黨之間有
與祖同輩父同輩已同輩而年畧長者亦謂之長上
如學教傳醫並百工技藝之師便是受業的長上比
屋連居及相識年長者便是鄰近的長上本縣親臨
公祖并大鄉官便是有爵位的長上以上長上俱該
尊敬近來人至十五歲外氣壯志高才者恃才富者
恃富下而市井惡少恃已膂力過人便藐視高年長
者如會聚飲酒坐席則占上行路則爭先相率而行
風俗大壞本縣勸爾百姓自今以後凡卑幼遇本族

尊長自當盡子侄之禮虚心謙退親戚鄰里中相會
亦必行讓先坐讓右古人云十年以長以父事之五
年以長以兄事之皆言敬長也至於事府縣道院官
長務要遵守法度勿輕易犯法有令必遵有法必奉
習成淳厚使人稱爲仁里上官稱爲良民這就是
尊敬長上所以這一事是第一要緊事

聖諭有曰和睦鄉里

如何是和睦鄉里這鄉里無非是父祖相交的朋友
無非是三親六眷一切盜賊水火之警彼此互相救
護古語云遠親不如近鄰孟子云出入相友守望相

助疾病相扶持如遇一事被年長者指教一句話便得無數力行一事被親友相幫一肩力便省無限工此是明明效驗今人比屋而居誰無牲畜相犯其相犯能有幾要能涵忍勿以小忿開隙誰人背後無人說來說是非者便是是非人過耳之言不足信卽遇有爭訟大事勸小小事勸無勿教唆構訟天下桑田滄海也有個變遷就是日月寒暑也有個推行貧富窮通自是天下不齊的但有無相資緩急相援自是常理貧者勿妬忌富者勿驕傲彼此相安相勸一里一保俱係良民保得一團和氣逢時遇節攜酒提筐賓主交酌如同家人聚晤一般既無鬪爭怨恨之端一方都是好人盜賊何由而入則和睦鄉里適所以自衛身家之法爾百姓何憚而不爲此

聖諭有曰教訓子孫

如何是教訓子孫目前好友自分榮辱不消說了就到沒世後生得一賢子誰不道某人積德生此好子孫生一不肖誰不道某人不積德生此不肖子孫這三代直道分毫不假借的但人家生子誰不望其強父勝祖其中却有不肖祇緣幼小時父兄不善教訓致令長傲飾非習慣成自然長大爲惡至不可挽回

本縣勸爾百姓凡有子孫者六七歲時卽擇蒙師公設學堂各率幼童聽師訓誨不論鄉城多延蒙師以孝經小學朝授之讀書講與聽淺淺解說務使童子畧知孝弟廉耻大義薰習年餘授以四書一經其中敏慧者自能習舉子業卽不聰明者少知道理卽爲農工商賈自然知理守法爲

盛世良民以此遺子孫較之積惡致富以家資貽之被不肖子孫蕩廢孰得孰失爾百姓當自知之本縣見汝商民氣多蠢悍目不識丁者恃力妄行皆由父兄之教不先子弟之率不謹自後富者固當延師教子

商水縣志

卷之九

三

貧者亦當設法從師蓋子弟六七歲時習氣未染正好向學極易教訓勿自錯過時光自悞子弟就是女兒也不可不教訓今日爲我女長大爲人婦全要能讓能順若不自幼教誨蠢傲成性以致婆媳不和妯娌詬詈小則鬪毆大則興訟豈不是家門之玷此亦是教訓子孫中一事亦附爾百姓知之

聖諭有曰各安生理

如何是各安生理這生理是人安身立命的根本也不可不講求人生各有本等職業上之爲士次則爲農工商賈士則幼而從師長而肄業以功名爲生理

下此之民或爲農或爲工或爲商賈途徑不一其日尋銀鈔歲積錢穀以爲事父母畜妻子之資無不同也惟朝朝暮暮勤勤懇懇各安已業功深自有厚獲若性情無常屢多變遷如鹵莽耕田欲地產多穀此必不得之數也語云情商必無倍利情工必無善器此明明可見者本縣勸爾百姓務照本分各自力勤日就已所執之業求精求勝自然得利足以生活一家纔不負生理二字不然已不務生理朝夕衣食無所自出不能忍凍忍饑終至爲非爲盜究竟犯法不得久生然則各安生理誠爾百姓生死大關頭豈可

商水縣志

卷之九

三

不預爲講求爾百姓其各慎之

聖諭有曰勿作非爲

如何是勿作非爲

朝廷設有法律禁人爲非如犯強盜者斬打死人命者殺一切森嚴歷歷可畏非爲之事誰人肯做然有一等痴頑百姓少不經父師教訓長不曾聽好人言語不知義理王法或設巧計騙人或倚公門斲害人或酗酒行兇或執迷賭博或不勤力爲農工商賈衣食日覺缺乏生計無資因思反計強者或執刀斧行劫弱者或掏摸偷財種種惡端皆屬非爲所不當作者

本縣今將爲非緣故一一說與爾百姓聽着爾宜各自思忖朝夕間若勤務生理自享飽煖安逸之福若作非爲便受徒流絞斬披枷帶鎖之苦天堂地獄只在肯爲不肯爲之一念孰當爲孰不當爲爾百姓五更半夜時時靜思將此一個好頭面送入法網何爲也爾等平素端方者益加策勵平素奸邪者及時猛省改過自新思之戒之

聖諭六言宣揚已畢爾聽講百姓勿認作從來套語人人洗心滌慮實實體行方不負本縣教誨之心方是朝廷的好百姓

商水縣志

卷之九

四

教諭喬時傑訓士六則

孝順父母

父母是吾身所從出吾身纔生下來父母見是男兒便喜懽慶幸其有子轉懷擄抱只怕他哭我不會喫飯時節嘔父母身上津脉又時時怕我有病一遇我有病父母便憂愁起來飯也無心喫覺也無心睡百般生法教我好可一旦病好父母方纔放心到會坐時父母喜其會坐到會走時父母喜其會走眼巴巴指望我長大成人他到老時做個倚靠又與我娶妻生子做個後代又請先生教我讀書做秀才頂帶榮

身父母的恩何等樣重今人做了秀方便說我是天
上人那老漢老婆中甚用不去理他甚至還要打罵
有好物只與妻子喫穿不管父母凍餓到父母有病
時也不理會把父母從前保愛一槩忘了凡事倚靠
不着枉費一場辛苦有話也無處告訴試想我卽不
知父母之恩我未嘗無兒子曉得我愛我之子便知
當初父母也是這樣愛我了忘父母恩不管父母
心下如何假使我子忘我之恩不管我心下如何我
可過得去否這等尋思起來令人無處容身人不孝
順良心已死犯上作亂無所不爲成何風俗成何世
道所以

商水縣志

卷之九

聖

聖諭教人孝順父母孝親之道如諭親於道成個好人又
如冬煖夏涼每日多奉好飲食昏定晨省出必告反
必面順親之道如父母教我做好人我就立身端正
不作一毫非爲父母教我做秀才我就奮志勤學
必期文章出衆如此則父母之心便常懽喜不煩惱
可謂孝子可謂順人異日翱翔

皇路亦可以爲忠臣矣如有不遵便是違

旨

尊敬長上

讀書人存心要公而大不可私而小蓋此心公便大私便小公而大是大人度量大學問大識見大作為大故能容物能幹大事不屑屑在己身上計較私而小是小人度量小問學小識見小作為小不能容物不能幹大事只屑屑在己身上計較然何以能公能大惟好義而不好利之故義者天理之宜好義之士此心明於分誼剛強不屈真見得此身親生之君食之凡吾之身若非食君長之水土何以得成此身吾身之功名若非蒙君之恩典何以得成此名今將此身去報君恩尚恐報稱無地反忍以此身去抗傲君才小人反是至官長布

商水縣志

卷之九

望

長乎必此心時時頂戴君長無事時早完

國稅以尊敬之有事時急公赴難以尊敬之方是個秀才小人反是至官長布

朝廷仁政以愛養士民使寧室家師長宣

朝廷教澤以訓化士民使厚風俗俱是有德於我者皆當馴服而尊敬之也若不順義理而行視長上如胡越便是私小之小人而為名教之罪人矣至於伯叔父執及兄長須執子弟之禮以事之不可有所冒犯言語必柔順交接必謙讓顏色必溫和作用揖時同坐時同行時必依尊卑長幼之序不可僭越一如父親

旨
之臨我乃稱仁讓之風而爲此戶可封之士矣豈不
美哉如有不遵便是違

和睦鄉里

鄉如同省之人同府之人同縣之人皆鄉也里或同
村落居住或同里甲當差皆里也鄉里是吾之羽翼
亦卽吾之一體聖賢以萬物爲一體而不忍傷况鄉
里乎孟子曰守望相助疾病相扶持鄉里所關最重
情意聯屬吾乃可恃以無恐若彼此好構嫌隙忌恨
嫉妬搬唆啟釁奸惡萬狀人人相習遂成薄惡之俗

商水縣志

卷之九

里

沉溺於中至死而不悟也哀哉要亦無人以仁義之
道開明其心故至此今秀才固儼然士也士爲四民
之首有表率之責焉而先自與人不和睦何以爲庶
人倡乎吾謂萬物一體非甚難事只要存個大公無
我之心不可只顧自己不管他人死活須是見人有
福卽如自己得福而爲之慶幸見人有禍卽如自己
得禍而爲之愁苦不然爾卽嫉他有福豈因爾之嫉
而減其福爾卽樂他有禍豈因爾之樂而更加其禍
此等心腸徒折自己之福叢自己之禍耳存此心者
斷不能與人和睦和者一團和氣不乖戾不忿爭也

睦者相親相厚不離心不離德也除去不和睦之根便自和睦如有不遵便是違

教訓子孫

孟子曰中也養不中才也養不才故人樂有賢父兄也旨哉斯言人有子孫而能教之使成個有德之人纔是爲父兄道理如任他酗酒浪蕩驚駭成性凌傲尊長不受箴規以決裂爲善物以謙遜爲惡德好惡反常狂悖不經又或姦淫不法大壞倫紀惹下禍事亡身喪家皆父兄不教之罪也此係父兄大惡不是

商水縣志

卷之九

四

小過我有子孫承先裕後關係最重必嚴加教訓使知禮義在家中孝順父母兄弟相愛相親夫妻之間亦相敬如賓便是齊齊整整一家好人家在外邊敬長上信朋友謙卑遜順好善言喜聞過存心行事俱在天理上豈不是個吉祥善士從此爾熾爾昌自然福履綏之矣雖然目下貧賤後來定要富貴不然則貧賤者亦貧賤卽富貴者不久亦貧賤矣教訓之道宜何如須把小學孝經常常與他講讀久之自有進益此教訓子孫之要法也如有不遵便是違

旨

旨

各安生理

士農工商各有生理生理者養生之理也秀才以讀書爲生理農人以庄稼爲生理工人以手執爲生理商人以負販爲生理安者安分守己勤謹樂業也秀才以讀書爲事便當安於此而不可妄爲早起晚眠晝夜勤苦書中理趣實實窮究明白看通章主意何在上下血脈貫通處與發端結穴處俱要得其神情且聖賢言語不獨是說他身上道理便是人人共有的道理須要將他言語體貼到我身上存心制行毫不敢違方能讀書有得至於文字要選脈落清真詞

商水縣志

卷之九

畧

語風雅法度高古者熟讀詳玩每讀一遍便要將此題在自心中揣摩一番我要這等做却去看此文是如何做必盡得其竅妙若我所揣摩者有合於他亦可自信其不合他處便可正我之非細心體貼方有進益方可放過此便是安於讀書生理至於農人都該安心做庄稼不可游惰工人盡心做器具不可用低假之物哄人商人求財利須要本分公平此便是各安生理如有不遵便是違

旨

毋作非爲

母者禁止之辭作卽是行非是邪僻爲是所幹的事
非爲者不由正道不是天理路上事也如盜竊奸淫
酗酒賭博等事俱非正道試看爲盜者那個得善終
奸淫良家妻女往往被人殺害且我淫人之妻女我
之妻女定被人淫天理昭昭自是放不過去酗酒者
荒廢本業倒銜臥巷成個無耻之徒辱沒祖宗父母
甚矣賭博者設局騙人之錢傾人之家敗人之產到
底自己也弄的忍饑受凍終日漂蕩不幹好事到饑
寒時便思量去做賊觸犯王法連身命也不能保思
想起來何如守我貧窮就餓死也成個良民不至辱
沒祖宗何故做這勾當雖人生俱有一死却不要死
的不值錢爲人要有廉耻不可胡爲如有不遵便是
違

商水縣志

卷之九

巽

旨

以上舊志

嚴禁鬪喪示

乾隆三年十月

巡撫都院尹 爲嚴禁鬪喪之陋習以厚風俗事照
得生養死葬事親之常循分守禮人子之道我

皇上以孝治天下

御極之初卽頒

諭旨禁止鬧喪凡以人心風俗計者至深且切也今本都院訪得豫省陋俗凡遇喪葬之事往往聚集親朋廣招鄰族開張筵宴陳設酒肴酣飲放飯自朝及夕其富戶有力之家則演唱戲文鼓吹音樂而出殯之時又復扮演雜劇跑馬走解並裝紮人物紙作以爲飾觀是以民間一有凶事則親友宗黨斂錢釀分本家因習俗相沿萬難處儉多方設法務爲浮華甚至需費不貲則借貸質當亦所不顧矣臨喪以哀爲本送死以葬爲重而乃欣呼宴樂甚於喜慶繁文浮費過於殯埋在傍人固屬非理而人子更覺難安前此會

於規勸條約內註明示禁而此風尚未盡息總緣人心不能反本細思合行嚴飭爲此仰司官吏照牌事理卽便轉飭所屬嚴行禁止並將本都院牌文摘取簡示更帖曉諭並於社期令社長諸生互相戒嗣後勿論紳衿士庶之家如遇有喪葬之事務須遵循禮制屏絕虛文不得仍前陋習違者按律治罪至停柩不葬及浮掩在
名並飭地方官查照本都院前檄
葬務期實力奉行毋得虛應故
文設法勸導作
事及差役滋擾
究察文到先將遵行緣由查報
毋違准此擬合
社學社長須至行知者

崇節儉禁邪

乾隆九年十一

特授河南等處承宣

趙 爲力崇節

獲司布政使加二級紀錄五次
禁邪教以厚民風以端風俗事

照得豫省今歲夏秋兩晴時若麥穀兩收在田連阡

陌者自必倉箱充裕相慶盈寧卽佃種貧民諒亦有積蓄以助饗殮但必於有餘之日樽節愛惜酌盈濟虛方能留其有餘以濟不足之需古語云三年耕必餘一年之食九年耕必餘三年之食雖遇凶荒自無饑色故凡一切婚喪宜安本分稱家有無勿事奢華商水縣志 卷之九 果

致滋糜費卽春祈秋報演戲酬神習俗皆然例所不禁然亦只應誠心致敬一賽卽止不得連宵達旦以致廢時失業再酒以合歡亦能債事且鬪毆命案由於酣飲淫酗者最多現在禁斷麴禁燒鍋無非爲足民食計爾等各宜深思力崇節儉以爲長久之計至於左道邪教最易惑人或假託神言捏稱降福或造作符咒謊云療病無知愚民被其煽誘羣相附和究竟福未降病未痊而銀錢穀麥已被其誑騙矣甚至發覺受累多端昔年梁朝鳳之案豈非榜樣何如孝親敬長家庭卽是靈山堂前自有活佛果盡孝養卽

可邀福蓋爲善降祥天道原自不爽孝親敬長則真爲善者也爾等亟宜省悟勿蹈覆轍茲值仲冬天降瑞雪明歲豐稔又可預卜誠恐爾等妄憶來年麥收有望因而暴殄天物恣行花費又慮鄉野愚氓心迷禍福誤入旁門皆未可定合行出示通行曉諭爲此示仰闔屬軍民人等知悉嗣後各宜從儉去奢加意節省務使家有蓋藏以防旱澇更須安分力田共敦孝弟無聽邪術自然安居樂業不罹法網共作盛世良民長享太平洪福爾等各宜凜遵毋負本司諄諄誥戒也須至告示者

商水縣志

卷之九

冕

上諭州縣飭建常平倉

各州縣之設立常平倉積貯米穀原以地方一時緩急之需所關甚重朕爲此多方焦勞多方籌畫務期倉儲有賴旱潦無虞年來所頒諭旨亦深切著明矣夫收儲米穀必須倉儲堅固始可爲經久之計是以從前降旨將倉廩之完整與否一並入于交盤之內以爲州縣官之考成今聞各省之中偏僻之邑竟有向來本無倉廩而有司苟且因循不行詳請都撫藩司等亦忽爲不察致將養民備荒之具或寄頓於寺廟或借房於紳士富戶之家爲霉爛虧折生事滋擾弊多由此起大非朕慎

重民儲之意凡各省未有倉穀之州縣著該督撫詳察
明商酌卽行建造其建倉之費或動正項錢糧或交給
存公銀兩著該督撫酌量本地情形悉心定議具奏特
諭欽此相應通行直隸各省督撫欽遵施行可也

除累足民條例

乾隆七年九月

兵部右侍郎兼都察院右副都御史巡撫河南等處
地方兼提督銜節制全省軍務兼理河道加五級紀
錄五次雅 爲施教必先足民足民尤先除累事照
得豫省地方素稱淳良殷實爲他省所不及近年以

商水縣志

卷之九

辛

來寸室九空溫飽之家日漸消乏大有之年尚多飢
餒一遇歉收流離載道甚至作奸犯法陷於刑戮此
豈天之所生地之所長人之所稟有今昔之異耶實
守土者不得辭其責也地方有司膺

朝廷民社之寄受斯民父母之稱必使閭閻有熙皞之
風婦子有盈寧之樂方爲不負所寄不愧所稱今視
民生之休戚如秦越之無關顧名思義能無惶汗乎
本部院奉

命撫育見地方凋敝如此風俗頹壞如此幾爲食不下咽
細察其故乃知教化之不行由于民生之不遂而民

生之不遂又由于民累之未除今將除累足民之事
逐一條示凡我同官凡我子民共當凜遵弗視本部
院諄切教誨之言認爲尋常故套也

計開

一禁重耗豫省火耗較之他省原屬稍重州縣自應
較準庫數秉公徵收今聞各屬私製重戥于額定
火耗之外每兩多收銀一二三分不等歲歲如是
縣縣如是小民之膏血幾何豈堪如此吮吸以後
務須稱收省一分火耗卽留一分民力庶幾地方
漸有起色

商水縣志

卷之九

五

一濫提短封民間完納錢糧自必秤足交櫃卽或偶
有短少每次不過一二三戶今各屬折封一次捉
拿短封動輒數十戶或一二百戶差役持單催補
該役又私開一單加添戶名銀數每銀一分索錢
十數文又另索盤纏飲食在官所得無多而糧戶
之浮費已數倍于正項矣以後折封實有虧短照
例令監折官驗秤註明袋面開單示諭令于下卯
自行補交按價折錢不許多索亦不許差役催補
一櫃書侵盜徵糧銀櫃州縣自應驗明封固面留一
孔設立滾木銀封到櫃填簿給串之後眼同花戶

立即投櫃今各屬銀櫃並不查驗亦不台式以致櫃書所收錢糧或並不入櫃或入櫃仍行取出剪邊抵換無弊不作折封短少仍累糧戶完賠以後務製合式銀櫃驗明封鎖時加查察免累糧戶

一差催滋擾催徵錢糧例用滾單如果逾限不完再行差催今各屬每于開徵之時卽僉點差役分管各里名曰坐差此輩惟知按節索取規禮何曾問及錢糧完欠糧戶完納正供尚多拮据乃令多此一費實屬累民急應裁革

一里書舞弊錢糧徵册原應戶房攢造至傳送滾單一商水縣志

卷之九

又有輪值之里長今各屬俱有里書名爲攢造徵册其實便於私派此輩俱係積年巨蠹夏索麥糧冬取米穀每年造册任意飛洒買賣推收把持需索多此一役耗費多少民財速急裁革

一包攬代納錢糧例應自封投櫃給串歸農今各屬里書里長歇家坐差肆行包攬錢糧到手隨即花銷因而那前掩後賄捺搪比至水落石出潛行逃避俟糧戶賠完仍出充役作弊如故州縣見銀有着不復追究以致侵而復逃逃而復出鄉愚血汗之資盡飽伊等之腹若不盡法究處蠹帑害民安

有窮極

一銀匠措勒百姓完納錢糧止須足紋原非必欲成錠亦隨處可以鎔銷不應派定匠舖今各屬銀匠俱分認里甲糧銀務須傾鎔成錠以致銀匠任意需索尅估成色糧房因派定里分不能赴別家傾鎔吞聲飲泣受其剝削州縣非不盡知不過欲於傾銷元寶之時尅扣平頭起解赴省之際幫貼盤纏所省幾何而令民受無窮之累何忍至此應速嚴禁弗自貽悔

一派買草料州縣驛站俱動正項錢糧應需麩豆草米自應公平購買今各屬買麩則派歇店買豆則派斗行買草則派里遞僅給半價復用大斗大秤收量家人經承復行需索甚至斗行歇店有因此棄業者里書里長亦有借此多派自肥者小民怨聲載道州縣置若罔聞以後務須照價平買弗再苦累小民

一買補驛馬驛馬倒斃或預赴口買備補額或照時價公平購買今各屬每有因驛馬倒差役赴鄉購者該役承票到手凡有驛馬之家無不受其需索若令馬牙購覓則賣驛賣馬者無不受其措勒官

買一馬民間已費數馬之價以後買馬或赴口上或赴鄰境總不得在本邑出價購買致滋弊竇

一多收稅銀一應稅課俱有定額多收卽屬贓私今各屬徵收房地稅契以及牙帖活稅等項或加倍徵收或加五六火耗以致置產之家畏縮不前各色牙僧多索牙用州縣有欲不剛不能禁止商民受累以後照額徵收自封投櫃嚴查胥役牙行毋使橫索

一多設牙行經紀之設原恐商販貿易爭競令其評估價值使賣者不得高擡買者不能短價非欲守

業之商民養此遊惰之輩也各州縣止顧收帖稅不論大小貨物多寡凡有領帖之人無不允給以致挑貨之微物俱勒牙用易米之瓜菓亦行抽分甚爲窮民之累應嚴加查禁一切微物不得濫行取用如有應裁卽行裁革至州縣私給之帖更屬違例一槩追銷

一隱報災荒地方水旱自古難免州縣官當立即據實具報以便設法補救或酌給籽種補行栽植或酌動工程俾其餬口或先賑恤使免流移則田禾雖然歉收地方不致凋敝今州縣遇有水旱每多

延挨畏縮或竟匿報或遲延時日或以重報輕以致可種之糧不得補種可動之工不得興舉人民逃散地土荒蕪閭閻之元氣大虧雖數年之豐收不能復舊殊可痛恨以後凡遇水旱務須立即據實具詳並將作何補救就本地情形隨詳附請以爲酌奪再玩視民瘼致干叅究

一河工夫料查豫省募夫購料民情已覺苦難若各州縣再不加意體恤一任經承鄉保借端舞弊賣富差貧挨戶需索則小民之受累愈甚嗣後務須體恤民艱親身經理實力稽查少甦民困至於廳

員給錢侵扣稱料不公 河院本部院自行查察嚴叅

一禁革官價官員買辦物件自應公平購買今各屬一應物件俱有官價商販貨物盡屬血本卽小民隻雞疋布亦費多少心力或圖餬口或完糧債乃以官勢勒令短價致使虧折血本恐饑受寒公私交迫各官俱有養廉尚剝此細民之膏血其心何忍以後務須痛改積習弗再厲民自養

一私役民夫小民力役之徵已有丁銀隨地完納如有公事需用人夫卽當用價雇覓今各屬不論公

私事務動輒派用民夫是民間于完納丁徭之外
又多一項丁徭矣冉加經承差役地保人等借端
漁利以致里民舖派夫之事歲無虛月自應嚴
行禁止使貧民得以賣力養家

一浮收倉穀春間借糶秋冬催收買收係養民善政
所用斗斛自應畫一今州縣輕出重入視為利藪
不知糶谷借谷之民皆係極貧之輩州縣各食厚
祿之人而剝削此極貧之民於心安乎以後務須
公平出入切弗顆粒染指

一被盜需索民間被盜被竊自應立即差捕緝拿應
商水縣志 卷之九 癸

驗者單騎滅從前往勘驗今各屬凡遇事主呈報
竊劫經承則索取票紙捕役則索取發脚盤費往驗
則人夫跟役無不索取飯食事主贓未追獲已費
多少閑錢且捕役陸續生發無有底止民間有失
賊又遭官之譴是以事主甘於諱匿盜風焉得不
熾各州縣務須嚴加查察杜絕前弊以免累事主
一借事私罰士民犯罪皆有一定之法或應決責或
因收贖自應照律定擬今各屬自理案件動輒議
罰白數十兩數百兩不等俱視其家業之厚薄以
定罰銀之差等名曰充公多肥私橐以致溫飽之

家日就消乏以後審理事件務照律例定擬凡有情罪可原亦必聲明詳請上司酌議不得私行濫罰

一重利放債豫省民風不知積蓄銀糧到手隨即花銷一至青黃不接則餬口無資東那西借遂有奸貪富戶及外來遊棍乘機重利盤剝八折出借滾算月利不及一年利過於本至期逼索如狼似虎刻不容緩或準其牲畜糧食或折收田房器具貧民生計盡歸若輩之手州縣遇有似此重利放債者卽行拿究不許償還如取利不過三分者仍聽

商水縣志

卷之九

七

其通融緩急

正本贈言

豫省嵩屏河帶嶽峙瀆流扶輿清淑之氣所孕奇而毓秀者代不乏人商周之聖孔門之賢實乎尚矣卽兩漢以迄有明理學則有二程文章則推三謝凡蜚英聲騰茂實先典攸高風流彌邵人倫之表可考而知杜佑所謂地居天中物受正氣固理之自然也

聖朝德教涵濡長養成就菁莪棫樸之化千古未有倫比多士雲蒸霞蔚更指不勝屈猗與休哉何風之隆與夫此邦旣多賢哲則風俗宜歸淳龐乃邇年來剽劫

之牘屢聞於

朝狹邪之風且遍於野左道盛行而邪說誣民者有之
禮讓不興而好勇鬪狠者有之煮豆燃萁之事且及
於縉紳婦姑反唇之稽行徧於里巷甚或聚其梟黨
妄肆鴟張而所謂賤妨貴少陵長者更視爲等閒常
事習俗人心頹敗至矣上帝垂戒爰降災凶客歲霖
雨連旬淹浸幾及半省蕩無農收哀鴻咸集費

國家百萬金錢始得溝壑而衽席之此豈關於

朝政之缺失實豫省之民自作之孽耳於是四方採風
問俗之人咸指曰河南風氣近日大壞或斥爲刁頑
商水縣志

卷之九

美

或鄙爲愚悍不但貽譏草野抑且上廬

宸衷以中州文物之鄉而凋敝至此固守土者之責也亦
士大夫之羞也余不敏奉承

簡命來撫茲土期力挽頽風復歸淳古與旬宣大吏牧令
庶僚振起精神共相砥礪彰善癉惡以樹風聲信賞
必罰以昭懲勸重禮義廉節之風以端其本根戢盜
賊邪教之輩以剪其蝨賊任勞任怨不敢卽安清夜
撫躬自謂殫心竭慮同官斯土者亦多奉職維勤矣
然欲移風易俗必先培養元氣所謂富而後教者是
也而富民之道非家給斗粟戶致千錢之謂也無論

國家經費自有常經不能博施濟衆卽振古以來亦從無使百姓盡仰食於公家之理此其道仍在力行教化蓋教化行則人敦倫紀如弟兄爭產之類不至於公庭而奸胥猾蠹不得剝民之脂膏矣教化行則人知禮義如迎神賽會之類不行於村社而異端邪術之徒不得耗民之財物矣且人興仁讓則劫奪之風漸消而良民安枕矣人重推解則任恤之道漸宏而患難相扶矣崇節儉則人皆自贍尚勤勞則富亦可求然則足民之道與教民之道固相需而並行不悖者也但施教化固在乎有位之人正已率屬大法小商水縣志

卷之九

堯

廉以身先之而擴充其量推廣其流則有不能無望於本地之魁儒碩彥者豫省幅員遼廓漸染頗深革薄還淳殊非一手一足之烈卽親民之有司簿書會計之煩日不暇給遇案牘而剖白是非事後之勸懲未必革心而革面也逢朔望而宣講

聖諭暫時之啟迪未能家喻而戶曉也求其風行草偃如響之應聲如影之視表里閭鄉曲之間甕牖繩樞之子足以觀感而興起者莫如薦紳衿士世家巨族正其聲而端其表爲事不煩而奏功最捷惟是從前大吏專以刻覈紳士爲能事遂使林泉之下黷序之中

幾成荆棘之地方裹足杜門救過不服稍一舒眉伸舌非指爲出入衙門卽指爲包攬詞訟非加以武斷鄉曲卽謂之把持官府縱未施以嚴刑而峻罰必隨其後此其勢方不得與齊民伍誰復能爲齊民之表率哉殊不知紳士實爲民望且出入閭里朝夕與俱鄉黨之間非親卽故此而敦倫睦族則不孝不悌之人厠身其旁自然天良觸發不覺汗顏矣此而言坊行表則乖戾忿爭之輩偶覲其面自然羞惡頓生不覺形穢矣反是而紳衿習尚浮囂則淫邪詐僞之風日熾紳衿習尚貪鄙則攘奪匪僻之事盛行紳衿佞

仙佛則妖言邪說之流蠱起而惑人紳衿喜橫議則結黨聚衆之事效尤而更甚如此之流未易悉數則是型方訓俗紳衿之力詎不偉歟今余實欲力行教化以冀移風易俗惟望諸紳士共體此懷贊成治理謹捐去前人之煩苛備盡優崇之禮貌而屬望旣殷責成最重所望老成宿彥俊秀英髦祗父恭兄篤親念舊好義息爭尚廉崇儉重實學黜浮華修己以敬行已有恥徙有以均無敬老而慈幼知慢藏之誨盜也當率其比鄰奉行牌甲知治容之誨淫也當嚴其閨閣毋任嬉游拜佛求神陋俗也豈可因循而不改

爭田奪地澆風也豈可自蹈而不知甚至車薪盤剝
逼嫁孤孀皆惡習也不惟不當有此事並不當存此
心蓋讀聖賢之書便當存聖賢之心行聖賢之事然
後以其身為齊民勸與臣言忠與子言孝遇村夫野
老之流則曉之以大義遇頑梗強悍之徒則導之以
利害遇親黨至交勿但以酒食遊戲相徵逐當告以
持躬立品之要道齊家務本之良圖如此日積月累
臻於比戶可封方今

堯舜在上四方風動豫省近拱

神京黎民於變時雍直指顧間事諸紳士藉此而共為
商水縣志

卷之九

空

興起以成邳隆之治則所謂刁頑愚悍取笑四方者
為之一洗庶不負衛多君子之稱而余亦得稍告無
事日觀豫省父老子弟熙熙皞皞於

堯天舜日之中何幸如之夫有志者事竟成彼盜牛而無
使王彥方知者獨何人哉豈古今人之不相及也考
槃在澗跂予望之

崑

乾隆五年仲春上浣撫豫使者雅爾圖拜

大學士果毅公訥等謹

題為欽奉

上諭 乾隆十年六月初六日內閣奉

上諭我朝

列聖相承深仁厚澤無時不加意培養元元以期家給人足
百年以來溥海內外物阜民康共享昇平之福朕臨御
天下十年於茲撫育蒸黎民依念切躬行儉約薄賦輕
徭孜孜於保治之謨不敢稍有暇逸常守節用愛人令
訓凡以爲民也今寰宇敎寧旣鮮糜費之端亦無兵役
之耗所有解部錢糧原爲八旗官兵及京員俸餉之所
需計其所給較之宋時養兵之費猶不及十之一二至
于各處工程爲利民之舉者取給于存公銀兩卽朕偶
商水縣志

卷之九

空

有巡幸賞賚所頒亦屬無幾是以左藏尚有餘積數年
來直省偶有水旱朕加恩賑濟多在常格之外如前年
江南被水撫綏安插計費帑金千餘萬兩凡此皆因災
傷補救而沛恩澤者朕思海宇乂安民氣和樂持盈保
泰莫先于足民况天下之財止有此數不聚于上卽散
于下仰惟我

皇祖在位六十一年蠲租賜復之詔史不絕書又曾特頒

恩旨將天下錢糧普免一次我

皇考旰食宵衣勤求民瘼無日不下減賦寬征之令如甘肅
一省正賦全行豁免者十有餘年此中外所共知者朕

以繼志述事之心際重熙累洽之候欲使海澨山陬一
民一物無不均沾大澤爲是特降諭旨將乾隆丙寅年
直省應征錢糧通行蠲免其如何辦理之處着大學士
會同該部卽速定議具奏欽此欽遵抄出到部臣等伏
思則壤成賦乃維正之供薄歛蠲租實恤民之典我
朝

列聖相承重熙累洽

聖祖仁皇帝六十餘年愷澤湛恩覃敷區夏

世宗憲皇帝十有三載宵衣旰食履念蒸黎我

皇上御極以來善繼善述免積年之逋欠戶少追呼除私

商水縣志

卷之九

奎

加之陋規吏無侵擾重民食而蠲數十萬之權稅德
餉閭閻恤偏災而發千百萬之帑金澤蘇困乏固已
仁風被於九州膏雨溥於六宇矣乃猶念持盈保泰
足民爲先

特頒諭旨將丙寅年直省應征錢糧通行蠲免令臣等定

議辦理欽此欽遵臣等伏讀

聖諭仰見我

皇上念切民瘼子惠元元欲使海澨山陬均沾惠澤朝行
夕屆立沛恩膏之至意而臣等仰體

聖懷謹加酌議查康熙五十年蠲免天下錢糧廷議以一

年通免恐需用兵餉撥解之際兵民駙遞轉致煩苦
將各省分作三年全免一週辦理在案伏念

聖祖仁皇帝深仁厚澤休養至五十年之久

特降深恩分年蠲賦直省一週今我

皇上御極十年賜免正供應請循照前例分作三年以次
辦理查各直省除蘆課漕項例不蠲免外其地丁錢
糧額銀共二千八百二十四萬餘兩將直隸奉天江
蘇西安甘肅福建四川湖南雲南貴州等省地丁錢
糧共一千四十二萬九百餘兩於丙寅年全行蠲免
浙江安慶河南廣東廣西等省地丁錢糧共八百六
商水縣志 卷之九 七

十二萬七千三百餘兩於丁卯年全行蠲免山東湖
北江西山西等省地丁錢糧共九百一十九萬二千
二百餘兩於戊辰年全行蠲免謹將各該省分年蠲
免數目恭繕清單進

呈

御覽其各省應撥歲需銀兩 臣等已經通盤核計統於各
該年冬撥案內另行奏

聞請

旨至應征地丁錢糧帶輸耗羨為地方一切公用原屬以
公辦公與官民俱有裨益之事並非解部庫之項是

以雍正七年欽奉

上諭酌定錢糧耗羨均給各官養廉之法此揆情度理上下相安之道但思加恩百姓豁免正賦若將耗羨一併蠲除是民雖邀格外之恩而官轉有拮据之苦上司或因此稍有寬假則必至巧取苛索於民流弊種積轉多於耗羨之數於吏治民生均無裨益著於庚戌年爲始凡遇特恩蠲免錢糧者其耗羨仍舊輸納諒必民所樂從將此永著爲例欽遵在案今應蠲各直省地丁錢糧所有耗羨銀兩仍循舊例留充地方公用亦無庸蠲免統俟

商水縣志

卷之九

奎

命下之日行令各該督撫通行出示曉諭轉飭地方官實力奉行務使編戶小民普沾實惠倘有不肖官吏借端科派私征各該督撫卽行嚴叅究治如被旁人首告及科道究叅將該督撫一併議處奉

旨依議各省蠲免正賦之年若有未完之舊欠仍按期帶征則民間猶不免追呼之擾著一併停其征收展至開征之年令其照例輸納至於有田之家旣邀蠲免之恩其承種之佃戶亦應酌減租糧使之均沾惠澤著該督撫轉飭州縣官善爲勸諭感發其天良歡欣從事則朕之恩施更爲周普一切照雍正十三年十二月

隸州府商水縣為

聖主之恩膏無已黎民之感戴難深仰念稼穡之艱
下憫事乾隆十二年二月十五日據縣紳士等呈
等呈前事三稱欽惟

皇上幽風日進保赤時懷昨食薄衣屢念民依有獲蠲租
賜復頻年

聖德無疆固已億兆鼓舞於同風萬方優游於化日乃
聖心無已特沛

恩綸蠲本年之正供裕蓋藏於閭閻停連歲之積逋免催
商水縣志 卷之九 矣

科於草野

皇恩普被兼緩耗銀

帝德宏敷不遺租佃誠為有澤必施真乃無微不至呼
不擾月明雞犬之村耕鑿自如春徧桑麻之野嵩峯

聳峙難比

至德崇高洛水環流不及

鴻恩浩蕩 身等生逢

聖恩

以志而銘以心感激莫伸於

天靈論

宸聰仰懇本縣正堂俯准據情轉申庶下情得以
上聞羣沐

高厚之恩於億萬斯年矣激切上呈等情據此該商水縣
知縣張崇樸看得卑縣紳士軍民生逢
盛世久躋春臺

聖澤已極乎瀾淪民心感逾於覆載茲荷

恩綸特沛蠲免本年地丁錢糧此實曠古未有之

殊恩是以草野謳歌倍增感戴今據紳士黎庶等合詞呈
請叩謝

天恩卑職不敢壅於

商水縣志

卷之九

七

上聞理合據情詳請

憲臺俯賜核轉請 題爲此備由另冊具申伏乞
照詳施行須至申者

